

Amalayo ya mu Cipingo Ayakwipusha mwi Pepo

Amalemba yose yaambulwa ukufuma mu kupilibulwa kwa NKJV

Amalayo pa Mupashi Wamushilo (Promises for the Holy Spirit)

“Lombeni mfula kuli Yehoba mu nshita ya mfula ya numa, kuli Yehoba uucite myele ya nkuba, uupēla ne mfula ya mainsa ku bantu, ku muntu onse umulemfwe mu mpanga.” Sekaria. 10:1

“E ico, nga imwe pa kuba ababi mwaishibo kupa abāna benu ifya bupe fisuma, bushe Shinwe wa mu mūlu takacishemo nga nshi ukupo Mupashi wa mushilo ku bamulomba!” Luka 11:13

“Lelo Ubukota, Umupashi. wa mushilo uo Tāta akamutumina mwi shina lyandi, wene akamusambilisha fyonse, no kumwibulula fyonse ifyo nasosele kuli imwe. . . . Kabili ulya ilyo akesa, akashinina aba pano isonde ulwa lubembu, no lwa bulungami, no lwa bupingushi.” Yohane 14:26; 16:8

“Ndemwebe cine cine, nati, Uuntetekela, imilimo iyo ine ncita na o akacita, kabili akacite milimo iyacilapo pali iyi; ico ine ndeya kuli Tāta, na conse ico mukalombela mwi shina lyandi, nkacicita ukuti Tāta akacindamikilwe mu Mwana. Nga mukalombela akantu mwi shina lyandi, ine nkacita.” Yohane 14:12-14

“E lyo asosele kuli ine, ati: Ici e cebo ca kwa Yehoba kuli Serubabele, ica kutila: Te ku bulamba, kabili te ku maka, kano ku Mupashi wandi, e fyo asosa Yehoba wa milalo.” Sekaria. 4:6

Amalayo ya kuti Lesa Alāsuka 'Mapepo (Promises that God Answers Prayers)

“Nga mwaikala muli ine, ne fyebo fyandi fyaikala muli imwe, lombeni ico mulefwaya, na co cikamucitilwa.” Yohane 15:7

“E ico tupalamine no kupama ku cipuna ca bufumu ica kusenamina, ukuti tumone uluse no kusango kusenamina ku kutwafwa pa nshita ya kukabila kwesu.” AbaHebere 4:16

“E ico ndetila kuli imwe, fyonse ifyo mulepepela pa kulomba, tetekeleni ukuti namupoka, kabili fikaba kuli imwe.” Marko 11:24

“Kabili lilila kuli ine mu bushiku bwa kumanama; e lyo nkakupokolola, nobe ukancindika.” Amalumbo 50:15

“Kabili ndemweba, nati, nga babili ba muli imwe balayana pano isonde ulwa cintu conse ico bengalomba, cikabacitilwa kuli Tata wa mu mūlu.” Mateo. 18:19

“Ne fintu fyonse ifyo mwalomba mu kupepa, nāmutetekela, kuti mwapokelela.” Mateo 21:22

“Na conse ico mukalombela mwi shina lyandi, nkacicita ukuti Tata akacindikilwe mu Mwana. Nga mukalombela akantu mwi shina lyandi, ine nkacita.” Yohane 14:13, 14

“Kabili mu bushiku bulya tamwakanjipushe cintu nangu cimo. Ndemwebe cine cine, nati, nga mukalombe cintu kuli Tata, akamupēla mwi shina lyandi. Ukufika kuli nombā tamwalombela cintu nangu cimo mwi shina lyandi; lombeni kabili mukapokelela, ukuti ukusansamuka kwenu kufikepo.” Yohane 16:23, 24

“Kabili uku e kupama tuli nako kuli wene, ukwa kuti nga twalomba akantu akalingene no kufwaya kwakwe atuumfwa; kabili nga twaishibo kuti tuli ne fintu ifyo twalomba kuli wene.” 1 Yohane 5:14, 15

Amalayo pa lwa Maka ya kwa Lesa (Promises About God's Power)

“Bushe kuli cintu icingapesha Yehoba amāno? Pa nshita iyalingwa nkabwelela kuli iwe, ilyo umwaka wayaluka, na Sara akaba no mwana mwaume.” Gen. 18:14

“Yehoba alemulwila, na imwe mutalale..” Ukufuma 14:14

“E lyo Yesu abalolēshe, ati, Ku bantu cintu icishingacitwa, lelo te ifyo kuli Lesa; pantu fyonse fingacitwa kuli Lesa.” Mark 10:27

“Uumwita wa cishinka, kabili akacicita.” 1 Abena Tesalonika 5:24

“Ninjishibo kuti mwingacita fyonse, kuli imwe ukupanga takupelēla.” Yobo 42:2

“Nga kanshi tuletela shani ifi fintu? Lesa nga aba mwina mwesu, n’ ani engapinkana na ifwe? Uyo uushacikile Mwane wine, lelo amupōsēle ifwe bonse, bushe akaleka shani ukutupēlo bupe ifintu fyonse pamo nankwe?” Abena Roma 8:31, 32

“Lesa te muntu ukuti asose ubufi, nangu mwana wa muntu ukuti ateluke. Bushe wene asosa, no kukānaacita? Bushe alanda, no kukānaimika?” Impendwa 23:19

“Bushe tawaishiba, napamo tawaumfwa, ukuti, Yehoba ni Lesa wa muyayaya, Kalenga wa mpela sha pano isonde? Tapomponteka, kabili tafunshika, takuli ukulengulwa ku mucetekanya wakwe; apēla amaka ku wapomponteka, no kufusha ukucincila ku ushakosoboka. Abalumendo kuti bapomponteka no kufunshika, na ’bapungwe kuti bawa icipūpu; lelo abalolēla Yehoba bapepemuka amaka, banīna na ’mapindo nga bakapumpe, babutuka no kukānaafunshika, benda no kukānaapomponteka.” Esaya 40:28-31

Amalayo ya Kutungulula kwa kwa Lesa (Promises for God’s Guidance)

“Bushe nshikwebele? Kosa kabili talila; witutuma kabili witentuka: pantu Yehoba Lesa obe ali nobe konse uko uleya.” Yoshua. 1:9

“Kabili mona, ine ndi nobe, kabili nakulakulinda konse uko uleya, no kukubweseshu ku mpanga ino; pantu nshakakuleke, kano nkasuke ncita ico nkwebele.” Ukutendeka 28:15

“Mona, ine ndetuma malaika ku ntanshi yobe ku kukubaka mu nshila, no ku kutwala ukuntu uko mpekenye.” Ukufuma 23:20

“Lelo no ko kwine nga mwafwaya Yehoba Lesa wenu, kuti mwamusanga, nga mwamufwaya ne mitima yenu yonse kabili no kutemwa kwenu konse.” Amalango 4:29

“Lilila kuli ine, na ine ndekwasuka, ndelongola kuli iwe ifikulu ifyabelama, ifyo tawaishiba.” Yeremia 33:3

“Umukonko onse ulundumikwe, ulupili lonse na ’kapili fibatamikwe, apasumbuka pabe apatambalala, apalundumana pabe apabatama. E lyo kukasokololwa ubukata bwa kwa Yehoba, na ’bantunse bonse bakamwena pamo: pantu akanwa ka kwa Yehoba kasosa.” Esaya 40:4, 5

“Ndekushilimuna, kabili ndekulange nshila iyo ufwile ukwendamo; ndekupanda amāno na ’menso yandi pali iwe.” Amalumbo 32:8

“Kabili Yehoba e uleya nakutangilila; wene akaba nobe, takakupōse fye, nangu kukulekelesha: witina, kabili witentuka.” Amalango 31:8

“N’ ani umuntu uuli na ’katīna kuli Yehoba? Kuti amulange nshila iyo afwile ukusala.” Amalumbo 25:12

“Tetekela Yehoba umutima obe onse, na ku kwiluka kobe we mwine wishintililako; uko konse wenda umwishibe, na o akatambalika inshila shobe.” Amapinda 3:5, 6

“Nga wapēlako uwa nsala icilyo cobe, no kulenga umuntu mulanda ekute; e lyo lukatula mu mfifi ulubuto lobe, no kufita kobe kukaba nga ’kasuba pa kati ka mutwe, kabili Yehoba akakutungulula pe, akekusha no mweo obe mu mpanga umwaumisha, no kupepemuna amafupa yobe, ukasuke auba nge bala ilyatapililwa, nge ntulo ya menshi iyo amenshi ya iko tayakama.” Esaya 58:10, 11

“Nomba, ilyo bashilalilila kuli ine, ine naasuka; ilyo bacili balesosa, ine naumfwa.” Esaya 65:24

Amalayo ya Mutima Uwayalulwa (Promises for a Changed Heart)

“Nkabapēla no mutima ku kwishiba ine, ukuti ine ndi Yehoba; na bo bakaba abantu bandi, na ine nkaba Lesa wabo, apo babwelela kuli ine umutima wabo onse.” Yeremia 24:7

“Yehoba Lesa wenu akasembulule mitima yenu ne mitima ya bufyashi bwenu, ku kutemwa Yehoba Lesa wenu imitima yenu yonse, ne myeo yenu yonse, ukuti mube no mweo.” Amalango 30:6

“Nkabēla kuli imse umutima upya no kubika mu nda shenu umupashi uya, nkafumyo mutima we bye mu mibili yenu no kupēla kuli imse umutima wa munofu.” Esekiele. 36:26

"Ndesubila kuli ici cine, ica kuti uwatendeke umulimo usuma muli imwe akaufishapo ukufika pa bushiku bwa kwa Yesu Kristu." Abena Filipi 1:6

"E ico, ngo muntu ali muli Kristu, abe cibumbwa cipya; ifya kale nafiya; moneni, fyayalulwe fipya." 2 Abena Korinti 5:17

"Nintanikilwa pamo na Kristu; te ine ndi no mweo nomba, ni Kristu e waba umweo muli ine; no mweo ndi na o nomba mu mubili ndi na o mu kutetekelo Mwana wa kwa Lesa, uwantemenwe no kuipēla pa mulandu wa ine." Abena Galatia 2:20

"Awe Lesa wa mutende umwine amushishe monse monse; kabili imipashi yenu ne mitima ne mibili ibakwe ituntulu iya kaele pa kwisa kwa kwa Shikulwifwe Yesu Kristu. Uumwita wa cishinka, kabili akacicita." 1 Abena Tesalonika 5:23, 24

Amalayo ya Kulekelela - Kulekelelwa (Promises for Forgiveness)

"Na 'bantu bandi, abo ishina lyandi lyainikwapo, (nga) banakilila, bapepa, bafwaya ne cinso candi, no kubwela mu mibēle yabo ibi, e lyo ine nkompwa mu mūlu, nkalekelela na ku membu shabo, no kuposhe calo cabo." 2 Imilandu 7:14

"Pantu imwe, mwe Shikulu, muli basuma, mulekelela abamufwaya, kabili mwafulo luse kuli bonse abalilila kuli imwe." Amalumbo 86:5

"Kabili ilyo mwaiminina mulepepa, nga muli na 'kantu pali umo, mulekeleleni; ku kuleka na Shinwe wa mu mūlu alekelele imwe amampūlu yenu." Marko 11:25

"Mubelane icongwe, mube aba mitima ya nkumbu, ababelelano luse, ifyo na Lesa amubelēle uluse muli Kristu." Abena Efese 4:32

"Nga tuyebelele membu shesu, wene wa cishinka kabili mulungami ukuti atulekelele imembu, no kutusangulula ku kuluungana konse." 1 Yohane 1:9

"Shi endeni, tukalulushanye, e fyasosa Yehoba: imembu shenu nelyo shaba nge fyakashika ce, kuti shabūta nge mfula yabūta; nelyo shakashikisha nge nsalu ishakashika ce, shikabe shabūta nga'masako ya mpānga." Esaya 1:18

"Ine, ine wine, ndepase fya bupulumushi fyobe, pa pulandu wandi, no kukānaibukishe membu shobe." Esaya 43:25

"Pantu nkabalekelela ku mampūlu yabo, ne membu shabo nshakashibukishe kabili." Yeremia 31:34

"Muli uno twabela no kulubuka mu mulopa wakwe, ukulekelelwa kwa mampūlu yesu, umwabelo bucindami bwa kusenamina kwakwe." Abena Efese 1:7

Amalayo ya Kucimfya Ulubembu (Promises for Victory Over Sin)

"Pantu conse icafoywa kuli Lesa cicimfya ifya pano isonde. No kucimfya ukucimfya pano isonde ni uku - citetekelo cesu." 1 Yohane 5:4

"Lelo muli ifi fyonse tuli abacimfya abacilamo pa mulandu wa watutemenwe." Abena Roma 8:37

"Lelo kube ukutōtela kuli Lesa, uuletupēlo kucimfya muli Shikulwifwe Yesu Kristu!" 1 Abena Korinti 15:57

"Witina, pantu ine ndi nobe; witentuka, pantu ine ndi Lesa obe; nakulakulengo kotalila, cene, nakulakwafwa, cene, nakulakufumbatila ku kea kulyo kwandi kwa bulungami." Esaya 41:10

"Pali fyonse, būleni ne nkwela ya citetekelo, e mo mukakosela ukushimya imifwi yonse ya mulilo iya mubifi." Abena Efese 6:16

"Nintanikilwa pamo na Kristu; te inne ndi no mweo nomba, ni Kristu e wabo mweo muli ine; no mweo ndi na o nomba mu mubili ndi na o mu kutetekelo Mwana wa kwa Lesa, uwantemenwe no kuipēla pa mulandu wa ine." Abena Galatia 2:20

"Pantu ni Lesa e ulebombela muli imwe ku kulenga mufwaye no kubomba pa mulandu wa kubekwa kwakwe." Abena Filipi. 2:13

"Awe ndetila: Endeleni mu Mupashi; e fyo tamwakafishepo ulunkumbwa lwa mubili." Abena Galatia. 5:16

"Awe Lesa wa mutende akashonawila Satana mwi samba lya makasa yenu bwangu bwangu. Ukusenamina kwa kwa Shikulwifwe Yesu Kristu kube na imwe. Amen." Abena Roma 16:20

“Kabili mwipalana no bwikashi buno; lelo musangulwe mu kulengwa kwa mitima yenu ipya, ukuti mulinge icabo kufwaya kwa kwa Lesa, icisuma kabili ica kutemuna kabili icapwililika.” Abena Roma 12:2

“Mwitamwa pano isonde, nangu fya pano sonde. Ngo muntu atemwa pano sonde, ukutemwa Shifwe tamwaba muli Wene.” 1 Yohane 2:15

Amalayo ya Kundapa/Kuposha 'Malwele (Promises for Healing)

“Nga ukumfwa wakulaumfwa kwi shiwi lya kwa YehobaLesā obe, ne cawama mu menso yakwe wakulacita, no ku kutika ku mafunde yakwe, no kubaka ifipōpe, Yehoba atila, ubulwele bubi bonse ubo nabikile mu bena Egupti, nshakabike pali iwe; pantu ni 'neYehoba, kondapa obe.” Ukufuma 15:26-

“Impindo yobe ibe icela no mukuba, kabili ukulingana ne nshiku shobe e fyo yabe na'maka yobe.” Amalango 33:25

“We mutism wandi, cindika Yehoba, kabili wilaba fya kutesa fyakwe fyonse; e ulekelela amampūlu yobe yonse, e ulubula umweo obe ku Nindi, e ukufwika ku mutwe uluse ne nkumbu, e wikusha akanwa kobe fisuma, ukuti ubwaice bobē bulengwe cipya cipya nga kapumpe.” Amalumbo 103:2-5

“Wiba uwa māno mu menso yobe we mwine, tīna Yehoba, no kufuma ku bubi: e fyo kukabo kupola ku mubili obe, no kupembuka ku mafupa yobe.” Amapinda 3:7, 8

“Āli uwasūlwa kabili uwakankambwa ku bantu, umuntu wa fya bulanda kabili uwaishibana no buciushi; kabili, nga umuntu uo bashulukako ifinso, āli uwasūlwa, tatwamulinga wa kwanfwa. Cine cine amacushi yesu were asenda, kabili atwikwa ne fya bulanda fyesu. Na ifwe twamulinga uwapumwa, uwaumwa kuli Lesa, uwalengwa ubulanda. Lelo alashīlwe pa fya bupulumushi fyesu, kabili afwantīlwe pa mampūlu yesu; ukulimuna ukwa kutumwenamo ubutuntulu kwaponene pali wene, na mu fipumo fyakwe e mwaishila ukupola kuli ifwe..” Esaya 53:3-5

“Mposheni, mwe Yehoba, e Leo nkapola, mpususheni, e Leo nkapusuka; pantu uwa kutasha kwandi in 'mwe.” Yeremia 17:14

“Pantu nkabwekesha pali iwe ubumi, ne mpumo shobe nkondapa, cisemo ca kwa Yehoba; 'pantu bakwita Uwatamfiwa; batila, Ni Sione, uwa kumwangwa tapali.” Yeremia 30:17

“Moneni, umusumba uno nkabweseshamo ubumi, nkawundapa no kuwundapa, no kubasokolwela ubwingi bwa mutende ne cīne..” Yeremia. 33:6

“Lelo kakatulila imwe, mwe batīne shina lyandi, Akasuba ka bulungami akali no kuundapa mu mapindo ya kako; na imwe mukafuma no kupontauka nga 'bana ba ng'ombe abafumo mwa kukakilwa.” Malaki 4:2

“Bushe umuntu wa muli imwe nalwala? Ete abakalamba ba lukuta bese, na bo bapepe pali wene, no kumusubila amafuta mwi shina lya kwa Shikulu; ne pepo lya citetekelo likapususha umulwele, na Shikulu akamubūsha; kabili imemba isho acita shikalekelelwa kuli wene.” Yakobo 5:14, 15

Amalayo ya maka ya Kucita Ubufwayo bwa kwa Lesa (Promises for Strength to Do God's Will)

“E ice tatunenuka; lelo ne lya ubuntu bwesu bwa ku nse bonaika, ubwa mukati bwena bulengwa cipya cipya ubushiku no bushiku. Pantu ubucushi ubwayanguka ubwa kashita akanōno nōno, buletuteyanishe cintu ca bukata icapulishamo ica muyayaya, pakuti tatulolekesha ifimoneka, lelo ifishimoneka; pantu ifimoneka fya kshita fye, lelo ifishimoneka fya muyayaya.” 2 Abena Korinti. 4:16-18

“Awe twinenuka mu kucite cawama; pantu ku nshita iiyene tukalobolola, nga tatutompweke.” Abena Galatia. 6:9

“Ndi na 'maka aya kucite fintu fyonse mu ulenkoselesha.” Abena Filipi 4:13

“Pantu ni Lesa e ulebombela muli imwe ku kulenga mufwaye no kubomba pa mulandu wa kubekwa kwakwe.” Abena Filipi 2:13

“Lelo anjebele, ati, ukusenamina kwandi kwakumana kuli iwe; pantu mu kunaka e mo amok yang yalengwo kufikapo. E ice ndetakisho kucisha no kucankwa mu fya kunaka fyandi, ukuti amaka ya kwa Kristu yekale pali ine..” 2 Abena Korinti 12:9

Amalayo pa lwa Kuba Inte sha kwa Lesa (Promises About Being God's Witnesses)

"Mwilatīna; bushe te kutula lilya nakulengo kuumfwa, no ku kulongwela? Imwe muli nte shandi. Bushe kuli umulungu umbi pamo na lne? Awe tapali Cilibwe icasansuka cimbi; nshicishiibe." Esaya 44:8

"Ima, balika; pantu lwaisa ulubūto lobe, ubukata bwa kwa Yehoba bwaisa pali imwe." Esaya 60:1

"Awe fyonse fyafuma kuli Lesa, uwatuwikishishe ku mine muli Kristu, no kutupēla bukapyunga bwa kuwikishanyis." 2 Abena Korinti 5:18

"Na o Yehoba atile kuli ine, Witila, Ndi mwaice; pantu kuli onse uo nkakutumako e ko ukaye, na conns ico nkakweb e co ukasose." Yeremia 1:7

"Lelo mukapokelela amok ilyo ukeso Mupashi wa mushilo pali imwe; kabili mukabe nte shandi mu Yerusalemu, na mu Yudea na Samaria, no kufika ku mpela ya pano nse." Imilimo 1:8

"Lelo imwe muli lupwa ulwasalwa, bushimapepo bwa bufumu, uluko lwa mushilo, abantu abo aikwatila, ku kuleka balondolole ifya bulumba fya wamwitile ukuti mufume mu mfifi mwingile mu lubūto lwakwe ulwapesha amāno." 1 Petro 2:9

"Lelo shisheni Kristu nga Shikulu mu mitima yenu. Mube abaiteyanya pe ku kuisosela kuli onse uwingamulubulwisha pa kucetekela ukuli muli imwe, lelo asukeni no bufūke na 'katīna." 1 Petro 3:15.